

# HUGOT NGA PAGTUO DIHA SA DIOS

ALANG SA MGA BATANG BABAYE



*“Nga sila makaila kanimo nga mao  
ang bugtong tinuod nga Dios, ug kang  
Jesukristo nga imong pinadala.”*

Juan 17:3

**Ang akong pangalan  
mao si**

---



## **AKO ANAK SA DIOS**

*Nasayud ko nga ang Langitnong Amahan  
nahigugma kanako, ug gihigugma ko Siya.*

*Makaampo ako ngadto sa Langitnong Amahan  
bisan kanus-a, bisan asa.*

*Naningkamot ako nga mahinumdom  
ug mosunod ni Jesukristo.*

Minahal Namong Batan-ong Higala,

Ikaw anak sa Dios. Siya ang imong Langitnong Amahan. Nahigugma Siya kanimo ug naghunahuna kanimo. Gusto Siya nga magbaton ka'g hugot nga pagtuo Kaniya ug mag-ampo ngadto Kaniya kanunay—bisan kanus-a, bisan asa.

Nanghinaut Siya nga imong tumanon ang pakigsaad nga imong gihimo sa dihang gibunyagan ka ug mosunod sa mga pagtulun-an ug ehemple ni Jesukristo. Gihatagan ka Niya sa gasa sa Espiritu Santo aron mogiya kanimo, usa ka pamilya aron mohigugma ug motudlo kanimo, ug mga lider ug mga magtutudlo sa Primary aron motabang kanimo.

Nag-andam ka na karon alang sa bag-ong mga kahigayunan sa imong kinabuhi. Gamita kining mga tuiga sa pagpalambo og mga kinaiya nga makatabang kanimo nga mamahimong usa ka buutan nga batan-ong babaye.

Moawhag kami kanimo sa pagkat-on ug sa pagsunod sa ebanghelyo, sa pagserbisyo sa uban, ug sa paggamit sa mga talento nga gihatag sa Langitnong Amahan kanimo sa pagkat-on ug sa pagbuhat og daghang maayong mga butang. Ang pag-angkon sa Ganti sa Hugot nga Pagtuo diha sa Dios makatabang kanimo nga mamahimong matang sa tawo nga gusto nimong mahimo ug ang tawo nga ang Langitnong Amahan nasayud nga ikaw mahimo.

Nahigugma kami kanimo ug nag-ampo alang kanimo.

Ang Unang Kapangulohan

## **ANG AKONG PAKIGSAAD SA BUNYAG**

Sa dihang ako gibunyagan mihimo ako og usa ka pakigsaad sa pagdala ngari kanako ang ngalan ni Jesukristo ug sa pagserbisyo Kaniya ug magmasulundon.

Ang Langitnong Amahan mihatag kanako sa Espiritu Santo. Pinaagi sa Pag-ula ni Jesukristo, mapasaylo ako sa akong mga sala kon ako maghinulsol. Kon ako motuman sa akong pakigsaad sa bunyag, makabalik ako sa pagpuyo uban Kaniya.



Kon ako mokalawat sa sakramento, akong gibag-o  
ang akong pakigsaad sa pagdala ngari kanako sa ngalan  
ni Jesukristo, sa paghinumdom Kaniya kanunay, ug  
sa pagsunod sa Iyang mga sugo. Kon mobuhat ako niini,  
akong mabati nga naggiya kanako ang Espiritu Santo.

(Tan-awa sa Mosiah 18:8–10 ug D&P 20:37.)



# **MGA KINAHANGLANON PARA SA GANTI SA HUGOT NGA PAGTUO DIHA SA DIOS**

**M**ahimong magsugod ka sa pagtrabaho sa Ganti sa Hugot nga Pagtuo diha sa Dios kon ikaw mag-otsa anyos na. Aron maangkon ang ganti, kompletoha ang mga kinahanglanon dinihi niini nga giya nga basahon sa dili pa ang imong ikadose nga adlawng natawhan. Ang imong mga ginikanan ug mga lider sa Primary makatabang kanimo sa mga kalihokan.

## **Sukaranang mga Kinahanglanon**

Usa ka importanting bahin sa hugot nga pagtuo diha sa Dios mao ang pagtumanan sa inyong pakigsaad sa bonyag ug magpabilin nga lig-on sa espirituhanong paagi. Aron sa pagtabang kanimo nga makapalambo og hugot nga pagtuo ug makasukol sa tintasyon, buhata ang mosunod nga mga butang:

- Pag-ampo matag adlaw ngadto sa Langitnong Amahan.
- Pagbasa kanunay sa mga kasulatan.
- Sunda ang mga sugo ug tumana ang “Akong mga Sumbanan sa Ebanghelyo” (tan-awa sa luyo nga tabon).
- Tahura ang imong mga ginikanan ug pagbinuotan ngadto sa imong pamilya.
- Bayad sa imong ikapulo ug tambong sa husay sa ikapulo.
- Tambong sa mga sakrament miting ug sa Primary kanunay.

## **Ubang mga Kinahanglanon**

Ang paghimo sa mosunod nga mga kalihokan makatabang sa imong pagsabut ug pagpamatuod sa ebanghelyo nga motubo:

- Isulat ang imong pagpamatuod.
- Memoryaha ang mga Artikulo sa Hugot nga Pagtuo ug ipahayag unsay buot ipasabut niini.

- Kompletoha ang mga kalihokan sa giya nga basahon alang sa:

Pagkat-on ug Pagsunod sa Ebanghelyo (pahina 6)

Pagserbisyo sa Uban (pahina 8)

Pagpalambo og mga Talento (pahina 10)

Pagpangandam alang sa Young Women (pahina 12)

- Pagpainterbyu uban sa usa ka sakop sa inyong bishopric o branch presidency.

Pipila ka mga ideya alang sa mga kalihokan aron makaangkon sa Ganti sa Hugot nga Pagtuo diha sa Dios gilista dinihi niini nga giya nga basahon. Uban sa tabang sa imong mga ginikanan o lider sa Primary, ikaw makaplano usab ug makahimo og ubang mga kalihokan. Gamita ang tsart nga anaa sa pahina 20 sa pagsubay sa imong pag-uswag.



# PAGKAT-ON UG PAGSUNOD SA EBANGHELYO

*“Pagkat-on og kaalam diha sa imong kabatan-on; oo, pagkat-on diha sa imong kabatan-on sa paghupot sa mga sugo sa Dios.”*

Alma 37:35

Pagkompleto og dili mominos sa duha sa mosunod nga mga kahokan matag tuig.

- Ipasabut kon sa unsa nga paagi nga ang sakramento makatabang kanimo sa pagbag-o sa imong pakigsaad sa bunyag. Sa usa ka family home evening, tudlo ang uban mahitungod sa mga butang nga atong mahimo aron magpabiling matinud-anon.
- Paghatag og usa ka leksyon sa family home evening kabahan sa Unang Panan-awon ni Joseph Smith (tan-awa sa Joseph Smith—Kasaysayan 1:1–20). Hisguti kon sa unsang paagi nga ang Langitnong Amahan motubag sa atong sinsero nga mga pag-ampo.
- Markahi kini nga mga bersikulo kabahan sa Espiritu Santo diha sa imong mga kasulatan: Juan 14:16–17, 2 Nephi 32:5, ug Moroni 10:5. Hisguti ang mga paagi nga ang Espiritu Santo makatabang kanimo.
- Pagbasa og bag-ong pakigpulong sa komperensya nga gihatag sa propeta. Desisyoni unsaon nimo sa pagsunod sa propeta, ug buhata kini.
- Paghatag og usa ka pangbukas ug usa ka panapos nga pag-ampo diha sa family home evening o sa Primary. Ipakigbahin ang imong mga pagbati mahitungod kon sa unsa nga paagi nga ang pag-ampo makapanalipod kanato ug makatabang kanato nga magpabiling suod ngadto sa Langitnong Amahan ug sa Manluluwas.
- Pag-istorya og usa ka istorya gikan sa Basahon ni Mormon nga nagtudlo mahitungod sa hugot nga pagtuo diha kang Jesukristo. Ithatag ang imong pagpamatuod kabahan sa doktrina sa Manluluwas.

- Basaha ang D&P 89. Tukia kon sa unsang paagi nga kita mapanlanginan sa Langitnong Amahan kon kita matinud-anong mosunod sa Pulong sa Kalaam. Tabang sa pagplano ug pagpahigayon og usa ka kalihokan aron sa pagtudlo sa Pulong sa Kaalam ngadto sa uban.
  - Pag-andam og pedigree chart nga dunay pangalan nimo ug sa mga pangalan sa imong mga ginikanan ug mga apohan. Pag-andam og usa ka family group record alang sa imong pamilya ug pagpakigbahin og usa ka istorya sa pamilya. Hisguti kon sa unsa nga paagi nga ang buhat sa templo makapanalangin sa mga pamilya.
  - Pagkat-on sa pagkanta sa “Choose the Right” (*Hymns*, no. 239). Ipasabut kon unsa ang kabubut-on ug unsay buot ipasabut nga mahimong responsible alang sa imong mga pagpili. Hisguti kon sa unsa nga paagi nga ang paghimo og maayong mga pagpili nakatabang kanimo sa pagpalambo og mas dakong hugot nga pagtuo.
  - Pagplano ug pagkompleto og imong kaugalingong kalihokan nga makatabang kanimo nga makat-on ug makasunod sa ebanghelyo (isulat ang maong kalihokan sa ubos).
- 
- 



## PAGSERBISYO SA UBAH

*“Ug tan-awa, ako mosulti kaninyo niini nga mga butang  
nga kamo unta makakat-on og kaalam; nga kamo unta makakat-on  
nga kon kamo anaa sa pag-alagad sa inyong mga isigkatawo  
kamo anaa lamang sa pag-alagad sa inyong Dios.”*

Mosiah 2:17

Pagkompleto og dili mominos sa duha sa mosunod nga mga kali-hokan matag tuig.

- Basaha ug tukia ang sambingay sa maayong Samarianhon (tan-awa sa Lucas 10:30–37). Pagplano ug pagkompleto og usa ka proyekto sa pagserbisyo nga makatabang sa usa ka sakop sa pamilya o siligan. Human makakompleto sa maong proyekto, hisguti kon sa unsa nga paagi kini nakatabang sa imong hugot nga pagtuo nga mas milig-on.



- Paghimo og usa ka sulat ngadto sa usa ka titser, sa imong mga ginikanan, o sa imong mga apohan nga magsulti kanila kon unsay imong gipasalamatang ug girespetohan kabahin nila.
  - Paghimo og usa ka listahan sa mga kinaiya nga imong nagustohan sa usa ka tawo. Pagpili og usa ka kinaiya nga palamboon diha sa imong kaugalingon. Hisguti kon sa unsa nga paagi nga ang pagpakita og pagtahud ug kabuotan makapalig-on kanimo, sa imong pamilya, ug sa uban.
  - Pagplano, pag-andam, ug pagdalit og masustansyang pagkaon.
  - Lingawa ang gagmayng mga bata pinaagi sa mga kanta o mga dula nga imong nakat-unan o imong gihimo. Ipakita nga ikaw kahibalo unsaon sa pag-atiman ug sa pag-amuma sa usa ka gamay nga bata.
  - Pagkat-on ug buhata ang mahitungod sa maayong pamatasan ug pangatahuran.
  - Pagplano ug paghimo og kalihokan para sa mga bata ug sa ginikanan, sama sa pagpanihapon, pagpiknik, pag-*hike*, pagbiyahe panahon sa adlaw, o proyekto sa pagserbisyo.
  - Basaha ang ikadose nga artikulo sa hugot nga pagtuo. Tukia kon unsa ang gipasabut sa mamahimong usa ka maayong lumulupyo ug sa unsang paagi nga ang imong mga binuhatan makaapekto sa uban.
  - Tabangi ang imong mga lider sa Primary sa pagplano ug pagpatuman sa usa ka umaabot nga kalihokan sa kada tulo ka bulan.
  - Pagplano ug pagkompleto og imong kaugalingong kalihokan sa pagserbisyo sa uban (isulat ang maong kalihokan sa ubos).
- 
-

# PAGPALAMBO OG MGA TALENTO

*“Kay dili tanan aduna sa matag gasa nga ihatag ngadto kanila; kay adunay daghan nga mga gasa, ug ngadto sa matag tawo gihatag ang usa ka gasa pinaagi sa Espiritu sa Dios.”*

Doktrina ug mga Pakigsaad 46:11

Pagkompleto og dili mominos sa duha sa mosunod nga mga kalihokan matag tuig.

- Pagkat-on unsaon sa pagbadyet ug pagtigum og kwarta. Tukia ngano nga importante man nga matinud-anon kitang mobayad sa atong ikapulo ug sa unsa nga paagi nga ang Langitnong Amahan mopanalangin kanato kon kita mobuhat (tan-awa sa 3 Nephi 24:10–11). Bayad sa imong ikapulo ug pagsugod sa pagtigum alang sa edukasyon.
- Pagkat-on sa pagkanta, pagpatukar, o sa pagpasiugda og usa ka kanta gikan sa *Children’s Hymnbook*. Itudlo o ipakigbahin ang maong kanta diha sa family home evening o sa Primary. Hisguti kon sa unsa nga paagi nga ang pagpalambo sa mga talento makatabang sa pag-andam kanato sa pagserbisyo sa Langitnong Amahan ug sa uban.
- Pagsulat og usa ka balak, istorya, o mubo nga drama nga nag-tudlo og usa ka baruganan sa ebanghelyo o mahitungod sa mga nilalang sa Langitnong Amahan.
- Paghimo og butang gikan sa kahoy, puthaw, panapton, sa ubang materyal, o pagdrowing, pagpintal, o pagkulit og usa ka obra sa art. Ipakita ang imong nahuman nga trabaho aron makita sa uban.
- Pagbisita og usa ka museyo sa art o tambong og usa ka kon-syerto, drama, o ubang pangkultura nga kalihokan. Ipakigbahin ang imong kasinatian ngadto sa imong pamilya o sa grupo sa adlaw sa kalihokan.
- Basaha ang D&P 88:118. Hisguti unsay gipasabut sa “pangitaa ang pagtulun-an, gani pinaagi sa pagtuon ug usab pinaagi sa



hugot nga pagtuo.” Palamboa ang imong personal nga mga kinaiya sa pagtuon pinaagi sa paghimo sa mao nga mga butang sama sa pagkat-on unsaon sa pagpili ug pagbasa og maayong mga basahon o pag-andam alang sa eskwelahan matag adlaw.

- Paglista og lima ka mga butang nga imong mahimo aron sa pagtabang sa buluhaton sa imong panimalay. Hisguti ang kamahinungdanon sa pagsunod ug pagtahud sa imong mga ginikanan ug pagkat-on unsaon sa pagtrabaho.
- Pagplano og programa sa pagpapiskay sa lawas alang sa imong kaugalingon nga mahimong maglakip sa pagkat-on sa pagdula og usa ka *sport* o dula. Apil sa maong programa sulod sa usa ka bulan.
- Pagkat-on ug pagsunod og maayong nutrisyon, maayong panglawas, ug maayong pagpamustura, lakin na ang ligdong nga pagsinina.
- Pagplano ug pagkompleto og imong kaugalingong kalihokan nga makatabang kanimo sa pagpalambo sa imong mga talento (isulat ang maong kalihokan sa ubos).

## **PAGPANGANDAM ALANG SA YOUNG WOMEN**

*“Busa, barug kami sa balaan nga mga dapit, ug ayaw pagbalhin,  
hangtud ang adlaw sa Ginoo moabut.”*

Doktrina ug mga Pakigsaad 87:8

Kompletoha ang mosunod nga mga kalihokan samtang ikaw nag-edad pa og 11 anyos. Makatabang kini kanimo nga makaandam nga mamahimong buutan nga batan-ong babaye ug makaapil sa programa sa Personal nga Kauswagan sa Young Women.

- Human makatuon sa ikatrese nga artikulo sa hugot nga pagtuo, paghimo og lista sa mga butang nga makapabayaw ug mahiyyason. Hisguti uban sa usa ka ginikanan o lider sa unsang paagi ikaw makapangita niining mga butanga.
- Pakigsulti sa presidency sa klase sa Beehive o sa usa ka sakop sa presidency sa Young Women mahitungod sa katuyoan ug ka mahinungdanon sa programa sa Young Women.
- Isulat sa imong journal sa unsang paagi ikaw makaserbisyo sa Ginoo samtang ikaw magbarug alang sa kamatuoran ug pagkamatarung.
- Basaha ang D&P 88:77–80, 118 ug D&P 130:19. Hisguti uban sa usa ka ginikanan o lider sa Primary kon unsa kaimportante ang maayong edukasyon ug sa unsang paagi kini makatabang kanimo sa pagpalig-on sa imong panimalay ug sa pamilya ug sa Simbahan.

- Basaha ang “Ang Banay: Usa ka Pamahayag ngadto sa Kalibutan.” Paghimo og usa ka lista sa mga butang nga imong ikatabang sa pagpalig-on sa imong pamilya ug sa paghimo og usa ka malipayon nga panimalay. Ipakigbahin ang lista ngadto sa imong mga ginikanan o lider sa Primary.



## ANG AKONG PAGPAMATUOD

Samtang ikaw magkat-on ug magsunod sa ebanghelyo, ang imong pagpamatuod magpadayon sa pagtubo. Gamita kini nga mga pahina sa pagsulat sa imong pagpamatuod mahitungod sa Langitnong Amahan ug sa Manluluwas. Isulat usab unsay gipasabut sa pakigsaad sa bonyag nganha kanimo. Ikaw mahimo usab nga modugang sa imong gisulat nga pagpamatuod diha sa imong personal nga journal.

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

# **ANG MGA ARTIKULO SA HUGOT NGA PAGTUO**

**SA ANG SIMBAHAN NI JESUKRISTO SA MGA SANTOS SA ULAHING MGA ADLAW**

1. KAMI NAGTUO sa Dios, ang Amahan sa Kahangturan, ug sa Iyang Anak, si Jesukristo, ug sa Espiritu Santo.
2. KAMI NAGTUO nga ang mga tawo pagasilotan sa ilang kaugalingon nga mga sala, ug dili tungod sa mga kalapasan ni Adan.
3. KAMI NAGTUO nga pinaagi sa Pag-ula ni Kristo, ang tanan nga mga katawhan mahimo nga maluwas, pinaagi sa pag-sunod sa mga balaod ug mga ordinansa sa Ebanghelyo.
4. KAMI NAGTUO nga ang unang mga baruganan ug mga ordinansa sa Ebanghelyo mao ang: una, Hugot nga pagtu diha sa Ginoong Jesukristo; ikaduha, Paghinulsol; ikatulo, Bunyag pinaagi sa pagpaunlod alang sa kapasay-loan sa mga sala; ikauapat, Pagpandong sa mga kamot alang sa mga gasa sa Espiritu Santo.
5. KAMI NAGTUO nga ang usa ka tawo kinahanglan gayud pagatawgon sa Dios, pinaagi sa pagpanagna, ug pinaagi sa pagpandong sa mga kamot niadtokinsa adunay pagtugot sa pagsangyaw sa Ebanghelyo ug sa pagpangalagad sa mga ordinansa niini.
6. KAMI NAGTUO sa sama nga kapuno-nган nga diha sa karaan nga Simbahans, sa ato pa, ang mga apostoles, mga propeta, mga pastor, mga magtutudlo, mga ebanghelista, ug uban pa.
7. KAMI NAGTUO sa gasa sa mga pinulongan, pagpanagna, pagpadayag, mga panan-awon, pagpang-ayo, pag-panghubad sa mga pinulongan, ug uban pa.
8. KAMI NAGTUO sa Biblia nga pulong sa Dios kon kini tukma nga pagkahubad; kami nagtuo usab sa Basahon ni Mormon nga pulong sa Dios.
9. KAMI NAGTUO sa tanan nga gipadayag sa Dios, sa tanan nga gipadayag niya karon, ug kami nagtuo nga siya mopadayag pa og daghan nga dagko ug mahinungdanon nga mga butang kala-but sa Gingharian sa Dios.
10. KAMI NAGTUO sa tinuod nga panagit-gum sa Israel ug sa pagpahiuli sa Napulo ka mga Tribu; nga ang Zion (ang Bag-ong Jerusalem) pagatukuron diha sa kayutaan sa Amerika; nga si Kristo mohari dinihi sa yuta; ug, nga ang yuta pagbabag-ohon ug makadawat sa iyang paraisonanon nga himaya.
11. KAMI NAG-ANGKON sa kahigayunan sa pagsimba sa Dios nga Makagagahum sumala sa pagmando sa among kaugalingon nga tanlag, ug nagtugot sa tanan nga mga tawo sa sama nga kahigayunan, sa pagpasimba kanila sa bisan unsa nga paagi, asa, o unsa ang ilang buot simbahon.
12. KAMI NAGTUO sa kamandoan ubos sa mga hari, presidente, mga magma-mando, ug sa mga maghuhukom, sa pagsunod, pagtahud, ug sa paghupot sa balaod.
13. KAMI NAGTUO sa pagkamatinuoron, pagkamatinud-anon, pagkaputli, pagkamanggiloy-on, mahiyason ug sa pagbutah sa matarung ngadto sa tanan nga mga tawo; sa pagkatinuod, kami mahimo nga moingon nga kami nagsunod sa tambag ni Pablo—Kami nagtuo sa tanan nga mga butang, kami naglaum sa tanan nga mga butang, kami nakalahutay sa daghan nga mga butang, ug naglaum nga makalahutay sa tanan nga mga butang. Kon adunay mga butang nga mahiyason, matahum, o maayo og dungog o dalaygon, kami naninguha sa pagpangita niining mga butanga.

JOSEPH SMITH

# **IMPORMASYON PARA SA MGA GINIKANAN UG MGA LIDER**

Ang mga ginikanan adunay responsibilidad sa pagtabang sa ilang mga anak nga makat-on ug magsunod sa ebanghelyo. Ang mga lider ug mga magtutudlo sa Primary motabang sa mga ginikanan niining importanting responsibilidad. Kining giya nga basahon sa Hugot nga Pagtuo diha sa Dios mao ang usa ka kapanguhaan sa pagtabang sa mga batang lalaki ug mga batang babaye nga makakab-ot sa ilang dakong potensyal isip mga anak sa Dios.

## **KATUYOAN**

Ang katuyoan sa giya nga mga basahon sa Hugot nga Pagtuo diha sa Dios mao ang pagtabang sa mga batang lalaki ug mga batang babaye nga nag-edad og 8 hangtud sa 11 anyos nga makasunod sa mga baru-ganan sa ebanghelyo, makapalambo og mga pagpamatuod, makapalig-on og mga panaghigalaay, ug makaandam sa pagdawat sa Aaronic Priesthood o mahimong usa ka buutan nga batan-ong babaye. Ang mga bata kinsa makakompleto sa mga kinahanglanon makaangkon sa Ganti sa Hugot nga Pagtuo diha sa Dios.

## **SA UNSANG PAAGIHA MAGAMIT ANG PROGRAMA**

Ang mga bata moapil sa mga kalihokan nga makatabang kanila sa pagpalambo sa mga kinaiya diha sa ebanghelyo sama sa pag-ampo, pagbasa sa mga kasulatan, ug pagsunod sa "Akong mga Sumbanan sa Ebanghelyo" (tan-awa ang luyo nga tabon). Moapil usab sila sa nagkalain-laing mga kalihokan sa mosunod nga butang: (1) pagkat-on ug pagsunod sa ebanghelyo, (2) pagserbisyo sa uban, (3) pagpalambo og mga talento, ug (4) pagpangandam alang sa priesthood o alang sa Young Women.

Ang mga kalihokan alang sa programa gilatid diha sa duha ka giya nga mga basahon: *Hugot nga Pagtuo diha sa Dios alang sa mga Batang Lalaki ug Hugot nga Pagtuo diha sa Dios alang sa mga Batang Babaye*. Ang mga bata mahimong mohimo sa mga kalihokan sa pani-malay, uban sa ilang pamilya, o sa mga adlaw sa kalihokan sa Primary (tan-awa sa sunod pahina).

## **MGA ADLAW SA KALIHOKAN SA PRIMARY**

Ang mga adlaw sa kalihokan gihimo aron sa paghatag og mga kahigayunan sa mga bata nga nag-edad og 8 hangtud sa 11 sa paghimo sa mga kalihokan diha sa programa sa Hugot nga Pagtuo diha sa Dios. Ang mga adlaw sa kalihokan sa kasagaran himoon makaduha sa usa ka bulan diha sa usa ka pаниmalay o sa balay tigumanan. Ang lokal nga pundo sa badyet kinahanglan maoy gamiton alang sa mga galastohan sa mga adlaw sa kalihokan sa Primary. Ang mga adlaw sa kalihokan kinahanglan nga pagasugdan ug pagatapuson pinaagi sa pagampo. Depende sa lokal nga mga panginahanglan ug mga kahimtang, ang usa ka adlaw sa kalihokan mahimong himoon sa samang panahon sa ubang mga kalihokan sa Simbahan sa mga adlaw gawas sa Domingo.

Usahay, ang mga lider mahimong moimbitar sa gagmay nga mga bata sa Primary sa pag-apil uban sa nag-edad og 8 hangtud sa 11 anyos sa adlaw sa kalihokan. Kinahanglang dili kini mosobra pa sa makausa sa matag tulo ka bulan. Ang mga adlaw sa kalihokan nga pagaapilan sa tanang mga bata planohon sa presidency sa Primary. Kadaghanan sa mga ideya dinihi niini nga giya nga basahon mahimong gamiton sa pagplano niining mga adlaw sa kalihokan. Ang presidency mahimong moimbitar sa lider sa mga adlaw sa kalihokan ug sa mga bata nga nag-edad og 8 hangtud sa 11 aron sa pagtabang sa pagplano ug pag-pahigayon sa kalihokan.

## **MGA LIDER UG MGA MAGTUTUDLO SA PRIMARY**

Ubos sa direksyon sa presidency sa Primary, ang usa ka magtutudlo sa Primary o ubang takus nga hamtong moserbisyos isip lider sa mga adlaw sa kalihokan. Ang mga adlaw sa kalihokan alang sa mga batang babaye kinahanglang pagagiyahan sa usa ka hamtong nga babaye. Kon magplano og mga kalihokan, ang mga lider kinahanglang mohunahuna sa mga ideya gikan niini nga giya nga basahon, "Akong mga Sumbanan sa Ebanghelyo," sa *Ang Higala*, ug sa mga bata mismo. Ang mga ginikanan ug ang uban nga dunay tino nga mga kahanas mahimong imbitaron aron sa pagtabang.

Ang mga ginikanan mahimong motabang sa ilang mga anak sa pagkompleto sa mga kalihokan niining giya nga basahon, ilabi na kon lisud alang sa mga bata nga magpundok sa mga adlaw sa kalihokan sa Primary.

## PAGPASABUT UG PAHALIPAY

Kon ang usa ka batang lalaki o batang babaye mag-otso anyos na, usa ka sakop sa presidency sa Primary ug ang lider sa mga adlaw sa kalihokan mohatag sa bata ug sa mga ginikanan og usa ka kopya sa giya nga basahon ug mopasabut sa katuyoan sa mga adlaw sa kalihokan ug kon unsa-on nga maangkon ang Ganti sa Hugot nga Pagtuo diha sa Dios.

Ang pahalipay alang sa mga kalampusan kinahanglang magpadayon, ingon sa mosunod:

1. Kon makakompleto ang mga bata sa mga kalihokan, sila makasubay sa ilang pag-uswag pinaagi sa pagmarka sa tsart nga anaa sa pahina 20 niining giya nga basahon.
2. Sa dili mominos makaduha sa usa ka tuig, ang adlaw sa kalihokan sa Primary kinahanglang maglakip sa mga kahigayunan para sa mga bata sa pagpakigbahin sa unsay ilang nakat-unan ug natuman.
3. Kon ang tanang gikinahanglang mga kalihokan nakompleto na, ang presidente sa Primary ug ang bishop o presidente sa branch mopirma sa sertipiko sa Ganti sa Hugot nga Pagtuo diha sa Dios nga anaa sa katapusang pahina niining giya nga basahon. Usa ka sakop sa bishopric, branch presidency, o Primary presidency mopahibalo sa kalampusan sa bata diha sa Primary.

Ang mga ginikanan ug mga lider kinahanglang motabang sa mga bata nga makasabut nga ang kalipay sa pagsunod sa ebanghelyo mao ang pinakaimportante nga ganti.



# **REKORD SA KALAMPUSAN SA HUGOT NGA PAGTUO DIHA SA DIOS**

Gamita kini nga pahina aron sa pagsubay sa imong pag-uswag sa pag-angkon sa Ganti sa Hugot nga Pagtuong diha sa Dios. Kada kompleto nimo og usa ka kalihokan, markahi ang usa sa mga kahon ubos sa sakto nga ulohan. Kon nakompleto na nimo ang tanang mga kina-hanglanon, ribyuha ang imong mga kalihokan ug ang unsay imong nakat-unan uban sa imong lider.

## **PAGKAT-ON UG PAGSUNOD SA EBANGHELYO**

       

## **PAGSERBISYO SA UBAN**

       

## **PAGPALAMBO OG MGA TALENTO**

       

## **PAGPANGANDAM ALANG SA YOUNG WOMEN**

     

## **MGA ARTIKULO SA HUGOT NGA PAGTUO**

        
     

## **AKONG GISULAT ANG AKONG PAGPAMATUOD**

GIINTERBYU AKO SA USA KA SAKOP SA AKONG BISHOPRIC O  
SA BRANCH PRESIDENCY PAGKA. \_\_\_\_\_

# **GANTI SA HUGOT NGA PAGTUO DIHA SA DIOS**

---

*Pangalan sa bata*

nakakompleto sa mga kinahanglanon nga gikinahanglan aron makadawat sa Ganti sa Hugot nga Pagtuo diha sa Dios gikan sa Ang Simbahan ni Jesukristo sa mga Santos sa Ulahing mga Adlaw.

Iyang giandam ang iyang kaugalingon sa pagsugod sa programa sa Personal nga Kauswagan sa Young Women ug sa pagbarug isip usa ka saksi sa Dios.

---

*Pirma sa presidente sa Primary*

---

*Petsa*

---

*Pirma sa bishop o presidente sa branch*

---

*Petsa*

# **ANG AKONG MGA SUMBANAN SA EBANGHELYO**

Sundon nako ang plano sa Langitnong Amahan alang kanako.

Hinumduman nako ang akong pakigsaad sa bunyag ug maminaw sa Espiritu Santo.

Mopili ako sa matarung. Nasayud ako nga ako makahinulsol kon ako makahimo og sayop.

Magmatinuoron ako sa Langitnong Amahan, sa uban, ug sa akong kau-galingon.

Akong gamiton ang mga ngalan sa Langitnong Amahan ug ni Jesukristo sa balaang paagi. Dili ako mamalikas o mogamit og binastos nga mga pulong.

Himoon ko kadtong mga butang sa Igpapahulay nga makatabang kanako nga masuod ngadto sa Langitnong Amahan ug ni Jesukristo.

Tahuron nako ang akong mga ginikanan ug mohimo sa akong bahin sa pagpalig-on sa akong pamilya.

Akong himoong sagrado ug putli ang akong hunahuna ug lawas, dili nako gamiton ang mga butang nga makadaot kanako.

Magsinina ako og tarung aron sa pagpakita og pagtahud sa Langitnong Amahan ug sa akong kaugalingon.

Mobasa ug motan-aw lamang ako og mga butang nga makapahimuot sa Langitnong Amahan.

Maminaw lamang ako og musika nga makapahimuot sa Langitnong Amahan.

Mangita ko og maayong mga higala ug magbinuotan ngadto sa uban.

Magpuyo ako karon aron mahimong takus nga moadto sa templo ug mohimo sa akong bahin aron makaangkon og mahangturong pamilya.

ANG SIMBAHAN NI  
**JESUKRISTO**  
SA MGA SANTOS  
SA ULAHING MGA ADLAW

